



Feto no mane orasoun nian

Identikit

kompara ho
Don Bosco no
Madre
Mazzarello
nia experiéncia

- **Ema sira ne'ebé “bulak ba Kristu”,
maibé mós ho atensaun maka'as
ba ema nia difikuldade eh
problema sira**

Sira konsege atu kria armonia entre moris iha Maromak nia prezensa no matan moris ba ema nia presiza.

Don Bosco

- Don Bosco maski hala'o atividade barak liu, maski ema barak mai atu husu no konsulta nia, nia espíritu iha fatin seluk nafatin, iha lalehan, iha ne'ebé hakmatek mak domina, iha ne'ebé buat hotu di'ak de'it. (Achille Ratti, ne'ebé sei sai Amo Papa Pio XI, banhira, nuudar amlulik foun, hela ba loron ruma iha Valdocco)
- Iha Don Bosco orasaun no servisu, hasoru Maromak no hasoru ema la kontra malu; iha momentu hotu, nia moris sai buat karan karidade nian no horik iha orasaun



Madre Mazzarello

- Iha Madre Mazzarello bele haree atensaun domin nian ba Jezús no delikada atensaun ba irmán no menina ida-idak
- Iha relasaun ho Maromak no bainhira nia fó an ba ema seluk, Madre Mazzarello hatudu movimentu ida de'it domin nian.
- Ba comunidade ida iha susar laran, nia hakerek: «Oan feto ida ne'ebé hadomi Jezús la'o di'ak ho ema hotu» (MML 49,6)



**Ema sira unifikada,
tan ne'e sira hakmatek nafatin**

Sira la lakon konsentrasaun. Ema ne'ebé
iha intimidade ho Jezús bele hetan
persegisaun, inkomprensaun, maibé, iha
tempu badak, biban atu moris iha damen
ho Nia

Don Bosco

- Don Bosco nia dalan nakonu ho terus, sakrifísiu, servisu todan, viajen, maibé nia hakmatek nafatin! Ninia segredu? Nia sente katak Maromak nia domin hafalun nia, no iha diálogu ho konfiansa ho Na'i, iha momentu hotu.



Madre Mazzarello

- Madre Mazzarello repete dala barak: «Ema bele hasai buat hotu husi ha'u, maibé la bele hasai ha'u-nia fuan atu hadomi Jezús» no nia fó hanoín ba irmán sira atu la fahe sira-nia fuan, maibé fó tomak ba Jezús.




**Ema sira ne'ebé hatudu,
iha sira-nia moris,
mistériu paskál Jezús nian**

Jezús iha enderesu ida: Eukaristia, iha
ne'ebá bele hetan ita-nia Belun.
Espiritualidade eukarístika la'o
hamutuk ho domin ba Kruz no ksolok
atu saran moris tomak iha Nia.

Don Bosco

- Don Bosco hadomi liu Eukaristia no nia fiar katak iha kbiit atu hafoun ema nia moris no tulun atu sai tasak no santu
- Eukaristia ne'ebé hadomi, selebra no hala'o iha moris loron-loron forma Don Bosco nia personalidade no sai prezente domin nian ba ema seluk.



Madre Mazzarello

- Iha Madre Mazzarello nia esperiénsia, Eukaristia unifika nina an rasik no forma ninia estilu atu relasiona no akompaña ema. Jezús mak hun otimizmu nian, fatin atu hasoru irmãñ sira: «Imi tama beibeik iha Jezús nia Futar Fuan, ha'u mós sei tama iha ne'ebá, nune'e ita bele hasoru malu beibeik no dehan ba malu buat barak» (MML 17,2)
- Madre Mazzarello kaer krús no dehan: «Nia iha ne'e no ita iha ne'e» no irmán sira hateten katak bainhira nia liu, sira horon Jezús nia morin.



**Ema haraik an,
no kiak iha laran**

Ema ne'ebé ba oin iha orasaun, sente kiak, sala nain no sente katak presiza ema seluk nia orasaun. Sira la buka ema nia glória, maibé buka Aman Maromak nia hateken.

Don Bosco

- Don Bosco la moe atu ba husu osan ba ninia oan sira: nia sente kiak iha kiak sira leet. Maibé iha konfiansa tomak iha Maromak nia Providénsia no iha Maria Auxiliadora.
- Iha enkontru ida ho AA, nia dehan: «Keta haluha katak Don Bosco mak instrumentu kiak iha artista matenek liu nia liman, liu, artista matenek no kbiit wa'in, katak Maromak.



Madre Mazzarello

- Madre Mazzarello ko'alia ho sinseridade kona-ba ninia frakeza sira; nia hatene katak kbiit egoizmu nian dada nia iha pasu ida-idak.
- Espíritu Santu gia nia atu halo lialoos iha ninia laran no atu la konfia ba ninia kapasidade. Nia hatene katak «Jezús nia liman servisu iha ita» (MML 66,2)



Ema sira ne'ebé komunika valór sira

Ema sira ne'e transmite gostu ba fiar, ba orasaun, ba komuñan: sira hatene halakan ahi orasaun nian iha maluk sira nia laran.

Don Bosco

- Kontatu ho Don Bosco, man, mestre no edukadór, halakan esperansa no transforma foin-sa'e sira nia laran. Foin-sa'e simu domin laho' interesse husi Don Bosco, no nia hatán ba domin ida ne'e.
- Don Bosco konxiente katak nia mediatór de'it, tan ne'e bele halo «milagre», la'ós tan ninia kbiit, maibé tan Maromak no Maria Auxiliadora nia intervensaun.



Madre Mazzarello

- Madre Mazzarello nia moris fó hanoin ba Jezús no valór evanjéliku sira; nia kria ambiente ne'ebé orienta no transforma.
- «To'o bainhira imi bele, rai didi'ak espíritu uniaun nafatin ho Maromak, hela iha Ninia prezensa nafatin.»
(MML 23,3) Nia rasik moris nune'e, tan ne'e menina ida dehan:
«Ha'u hakarak sai Na'i ninian hanesan Maria Domingas Mazzarello!»





Don Bosco no Maria Mazzarello
tebes ema orasaun nian: sira la
haketak an husi mundu, maibé
sira hetan, iha komuñan ho
Maromak, segredu atu moris iha
komuñan ho ema seluk no
foin-sa'e sira



Pergunta ruma

- ? Entre karakterístika sira ne'e, ida ne'ebé mak susar liu mai ha'u atu moris tuir? Tanba sá?
- ? Kondisaun sa de'it favorese katak ha'u no irmán sira iha comunidade bele hatudu karakterístika sira ne'e?
- ? Iha proposta konkreta ruma atu hato'o ba comunidade atu ita bele moris nu'udar ita-nia Fundadór sira nia oan loos no hatudu sira-nia espíritu ohin loron?